



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Annvs Diervm Memorabilivm Societatis Iesv. Sive  
Commentarius quotidianae virtutis, notabilem vnius, vel  
plurium in Societate vitâ functorum, virtute quapiam  
insignium memoriam in menses diesque ...**

**Nádasi, János**

**Antverpiae, 1665**

XXIII. Die Aprilis.

**urn:nbn:de:hbz:466:1-9625**

XXIII. DIE APRILIS.

P. GONSALVVS  
BARNOVVS.

P. ANDREAS  
BRUCHMAN.

Hispanus  
in Peru. 23.  
April 1620.  
ætat. 37.  
Soc. 10.

**V**T ad Societatem penetraret, multis illi certandum fuit cum inimicis domesticis: à quibus, vt plus abesset, Societatem complexus in Perurium concessit. In paupertate singulari studio excelluit, ne ad sacros quidem vsus quicquam elegantiarum admittens, & vnica, eaque simplici è charta, B. Virginis imagine contentus, cuius aspectu se ad affectus teneros accendebat. Vultus illi pudicè modestus, vestes attritæ, ac luculentissimæ testes paupertatis dilectæ: cibus parçus, & oculi cum aliàs tum verò inter vescendum nominatim, nunquam sublari. Ieiunia illius erant penè inedia. Toro Aduentu, & sæpè aliàs, pane tantum vescabatur, non nisi frigidâ in potu admisâ. In morbo si quid inconsiderantiæ, vel indiligentiæ accideret à ministris, tegebat silentio; vti, & cœnam aliquando non allatam, altero è duobus illi assignatis existimante alterum id facturum. Morti proximus plenus laxitiarum. Quis, inquit, ad sociorum coronam, quis non altissimè sentiat, Patres mei, de Societatis instituto? O quam Religionem! o quam certum centuplum quod in illa morientibus promittitur: ò quale centuplum!

Medesina.

Mortific.

Vocatio.  
Mort.

**M**agnæ, absoluteque virtutis virum hunc fuisse testatur datum de illo elogium. Fama celebris affirmat, illum desperanter ægrum, se sancto martyri Iosephato Polocensium, olim in Rutenò ritu Archiepiscopo impensè commendasse; illum ei vigili, & sedenti noctu conspectum hæc verba dixisse: Et en quia inuocasti me, adsum. *Habe spem, Pater, in Domino Deo firmam.* Nam hac vice non morieris: & idèd mox vbi sanitati restitutus fueris, Deo gratias referas. Hæc à sancto clarè dicta, Andreas distinctè percepit, eorum veritatem receptâ incolumitate breui expertus, & post menses aliquot religiosâ morte decessit.

Prutenus  
Polociz. 23.  
April 1620.  
ætat 64.  
Soc. 46.  
Sancti.

P. IGNATIVS  
DE FONSECA.

**S**tirpe nobili natus, in Societate humilitate, sui afflictatione, rerumque diuinarum peritiâ excelluit, eoque Magistri Nouitiorum, ac postea plurimum Collegiorum Rectoris partes egit laudatè, sancto exemplo. Dicuntur ægri plures precibus ab illo fuis perfanati: Villaregij, quidam à calculo: P. Garcia Rodriguez ab acerrimis doloribus, postea quam Ignatius pro illo celebrauerat non reuersis. Hispali cui-dam matrimonium perperam inuenti magnas clades ex vero prædixit. Plura dedi de illo in vita ad annum 1577.

Hispanus  
Hispali, 23.  
April. 1577.

Oratio.

XXIV. DIE